

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

V. Quid fides catholica de tertia in diuinis persona credendum proponat.

urn:nbn:de:hbz:466:1-38954

diuum ex præfata illorum omnium cognitione procedit: vnde recte S. Aug. lib. 15. de Trinit. cap. 14. Deus Pater, inquit, non integræ perfectæq; seipsum dixisset, si aliquid esset minus in verbo quam in se ipso.

SECTIO V.

Quid fides catholica de tertia in diuinis persona credendum proponat.

Obseruandum est hoc nomen (Spiritus sanctus) duobus modis considerari posse: 1. secundum vim sua significationis, ut est nomen compositum ex duabus distinctionibus; & sic est nomen eæstiale, commune omnibus personis sanctissimæ Trinitatis, quia Pater est vere Spiritus, & vere sanctus; similiter & Filius: 2. prout ex communi vsu & accommodatione Ecclesie sanctorum, que Patrum, est unicum nomen ex illis duobus conflatum; & tunc est proprium tertia personæ: quod constat ex communi vsu loquendi; tum in scripturis, tum in Conc. & apud SS. Patres; vñ enumerantur diuinæ personæ, tertia illarum nomine Spiritus sancti designatur.

Quod si quereras, cur tertia illa persona sic vocetur? hanc rationem reddit S. Aug. lib. 15. de Trinit. cap. 19. Quia Spiritus Sanctus est communis ambo bus, Patri scilicet & Filio, ideo id vocatur ipse proprio, quod ambo communiter. Accedit & alia ratio, quia scilicet procedit per actionem voluntatis: atqui sanctitas propriè ad voluntatem spectat; nec enim dicitur quis sanctus ab operatione intellectus, sed solum voluntatis: pari modo spirare, & spiritus, sunt voces specialiter ad voluntatem pertinentes, quatenus spirare aliquando significat vehementer amare aut ardentiter desiderare, vt cum vulgo dicimus aliquem spirare vindictam aut cædes, vel è contrâ sanctos viros spirare charitatem, pietatem, &c. Et sic peculiari iure ac titulo tertia in diuinis persona recte nuncupatur Spiritus sanctus,

Etus, quia per operationem voluntatis procedit.
Hac observatione supposita, de tertia illa persona seu de Spiritu sancto tres praesertim veritates fides Catholica credendas proponit. Prima est, illum esse verum Deum, Patri & Filio consubstantialem, & per omnia aequalis. Secunda, a Patre & Filio procedere. Tertia denique procedere a Patre & Filio tanquam ab uno principio.

Prima veritati oppositus est error Macedonij & eius declarum, qui (ut refert Sozomenus lib. 4. c. 26.) afferebant Spiritum sanctum non esse Deum, sed aliquam substantiam spiritalem, superiorem omnibus Angelis, creatam a Patre per Filium: qui error fuit etiam Arii, qui sicut Filiu ita etiam Spiritum sanctum creaturam dicebat, teste S. Epiphanius haeresi 69.

Refellitur hic error, & veritas nostrae fidei probatur 1. auctoritate scripturar. 1. S. Ioan. 5. *Tres sunt, qui testimonium dant in calo: Pater, Verbum, & Spiritus Sanctus: & hi tres unum sunt: quæ verba clarissimè indicant unitatem substantiæ & diuinitatis in Spiritu Sancto, & alijs personis diuinis. S. Matth. cap vlt. Christus præcipit credentes baptizari in nomine Patris & Filii, & Spiritus sancti; sacramenta autem conferri non debent nisi nomine & auctoritate veri Dei, qui solus est author & largitor gratiarum. S. Marc. 3. vbi dicitur cætera peccata hominibus dimittuntur, peccata autem in Spiritum sanctum non remitti in æternum. Denique aet. 5. sanctus Petrus increpans Ananiam, quod mentitus eslet spiritui sancti, addit postea illum non esse mentitum hominibus, sed Deo.*

Probatur 2. auctoritate vniuersalis Ecclesiaz, quæ in symb. Apoſt. profitetur, se credere in Spiritum sanctum aequæ ac in Patrem & Filium: & in Conc. Constantinop. in quo Macedonij haeresis proscripta fuit, in symb. Fidei dicitur, *Credo in Spiritum sanctum Dominum, qui cum Patre & Filio simul adoratur & conglorificatur. Et in symb. S. Athanasij dicitur: Deus Pater, Deus Filius, Deus Spiritus Sanctus; & Patris, & Filii, & Spiritus sancti una est diuinitas, aequalis gloria, &c.*

Pio-

Probatur 3. ex unanimi consensu SS. Patrum, qui libris integris Spiritus Sancti diuinitatem contra haereticorum blasphemias propagauerunt, ut S. Basilius, S. Ambrosius, & S. Augustinus passim in libris de Trinitate praesertim lib. 1. cap. 6. & alijs communiter omnes.

Secundæ veritati oppositus est error Græcorum assertum Spiritum Sanctum à solo Patre procedere.

Refellitur, & veritas nostræ fidei (scilicet quod Spiritus sanctus non tantum à Patre, sed etiam à Filio procedat) probatur 1. auctoritate scripturae, in qua varijs in locis dicitur Spiritus sanctus mitti & dari à Filio, ut S. Ioan. 15. *Cum venerit paracitus, quem ego mittam vobis à Patre* atque missio in diuinis personis denotat processionem, ut explicant SS. Patres S. Greg. hom. 26. in Evang. Missio, inquit, *Spiritus Sancti est eius processio de Patre & Filio;* & S. Hilar. lib. 8. de Trinit. *Spiritus Sanctus mittitur à Filio, quis esse ab illo accipit:* & cap. 16. S. Ioan. Christus Dominus loquens de eodem Spiritu Sancto, *Ille, inquit, me clarificabit: quia de meo accipier; quem locum de Spiritu Sancti processione intellexit* S. Amb. lib. 2. de Spiritu Sancto cap. 12. & S. Aug. tract. 99. in S. Ioan.

Probatur 2. ex Conc. Ephesino tom. 1. c. 14. in quo lecta & recepta fuit Epist. S. Cyril. ad Nestorium, in ea autem epist. manifestè dicitur Spiritum Sanctum à Patre & Filio procedere: & in Conc. Chalced. actione 5. in qua eadem Epist. sancti Cyril. recipitur, & confirmatur: ac denique in Conc. Florent. sess. 7. & 22. in quo eadem veritas simpliciter & absolutè definita fuit, consentientibus simul Latinis & Græcis, tametsi postea infeliciter Graci ab hac fide defecerint.

Eadem veritas probari insuper potest ex SS. Patribus, ut S. Basil. lib. 3. cont. Eunomium, S. Chrysost. hom. 4. de symb. S. Greg. Nysseno epist. ad Ablabium, & pluribus alijs, qui unanimitate id docent, & quorum doctrina fusæ in præfato Conc. Florentino declaratur.

Tertia denique veritas, scilicet quod Spiritus Sanctus à Patre & Filio tanquam ab unico principio procedat.

probatur 1. authoritate Conc. gener. Lugdunensis cap. vnico de summa Trinitate & fide cath. vbi expresse definitum est, Spiritum Sanctum esse à Patre & Filio, non tanquam duobus principijs, sed tanquam vnico principio, nec duabus spirationibus, sed vnâ: Item Conc. Florentini sess. vltimâ in litteris vñonis dicitur, Spiritum sanctum à Patre & Filio tanquam vno principio & vñica spiratione procedere.

Probatur 2. ex sancto Aug. lib. 5. de Trinit. cap. 14. vbi sic loquitur: *Sicut Pater & Filius & Spiritus Sanctus sunt unus creator, & unus dominus; ita Pater & Filius sunt unicum Spiritus Sancti non duo principia: eodem etiam modo loquitur sanct. Hilarius lib. 4. de Trinit. & sanct. Anselmus lib. de processione Spiritus sancti cap. 10.*

Probatur 3. ratione, siquidem in diuinis omnia vnum sunt, vbi non obstat oppositio relativa: atqui inter Patrem & Filium quatenus spirant, nulla est eiusmodi relativa oppositio, vi per se patet: ergo, &c.

Porro obseruandum est, quod, quamuis recte dici possit, Spiritum sanctum procedere à duobus vim spirandi habentibus, ac proinde esse duos spirantes; quia scilicet procedit a duabus distinctis personis, Patre scilicet & Filio: non tamen ideo dici potest esse duos spiratores. Ratio huius discriminis est, quod adiectiuia nomina plurali numero efferri possint, quoties diversa sunt supposita, quamuis non sint diversa formæ; substantiuia vero multiplicari non debent, nisi & forma, quam supposita significant, multiplicetur: itaque recte dicimus duos habentes vim spirandi, vel duos spirantes adiectiue, quia sunt duas personæ; sed non dicimus duo principia, nec duos spiratores substantiæ, quia vñica est forma & una virtus, per quam spirant.

Dices S. Hilar. lib. 1. de Trinit. vocare Patrem & Filium authores Spiritus sancti, proindeque eodem modo dici posse spiratores. Resp. apud SS. Patres quibusdam in locis sensum potius illorum attendi debere quam verba: quarevis enim nonnunquam nomina substantiuia pro

adiecti-

adiectiis usurpent ad hoc mysterium explicandum, nihilominus substantia illa modo adiectio intelligi debet, vt de S. Hilario docet S. Thom. quæst. 36. a. 4. ad 7.

SECTIO VI.

Quo sensu Spiritus Sanctus vocetur amor.

AD uberiorem cognitionem eorum, quæ de Spiritus sancti processione dicta sunt, conferre potest explicatio huius nominis, quod passim in scripturis & apud SS. Patres reperitur, quo spiritus sanctus amor vocatur. Quod, vt distinctius intelligatur, prænotandum est hoc nomen (Amor) in diuinis dupli modo sumi posse; 1. essentialiter, pro illo amore, quo tres persona diuinæ diligunt; 2. notionaliter, idque vel actiue, scilicet pro amore notionali: productio, quo Pater & Filius producunt Spiritum sanctum, vel passiuè pro amore notionali producunt, & tunc est nomen personale solius Spiritus sancti proprium. Quoniam vero ea, quæ ad voluntatem spectant in diuinis, magis adhuc nos latent, quam quæ ad intellectum, ideo iuuabit ea, quæ ad amorem illum diuinum productum pertinent, ex analogia productionis verbi diuinij paucis hic explicare.

Sicut igitur, dum Pater seipsum in essentia sua contemplatur, verbum mentis exprimit; & sic Filium generat: ita Pater, & Filius dum se in unitate essentiae diligunt; affectus voluntatis, qui est utriusque amor, simul ab utroque exprimitur, siveque Spiritus sanctas producitur. Item sicut intelligere conuenit Filio non secus ac Patri; sed conceptum efformare, seu verbum dicere, soli Patri: ita amare Spiritui sancto conuenit non secus ac Patri & Filio: sed affectum exprimere, & amorem spirare, soli Patri & Filio. Item sicut verbum diuinum seu Filius ex cognitione essentia diuinæ eiusque perfectionum omnium, nec non trium personarum diuiniarum, ac denique omnium creaturarum possibilium procedit: sic amor di-